

Fimmtugasti og sjötti fundur Heilbrigðisnefndar Kjosarsvæðis var haldinn 08. júlí 2020 á skrifstofu Heilbrigðiseftirlitsins á 5. hæð í Þverholti 2 í Mosfellsbæ. Fundurinn hófst kl: 17:00.

Mættir: Hannes Tryggvi Hafstein, Magnús Rúnar Dalberg, Sigríður Klara Árnadóttir, Valborg Anna Ólafsdóttir, Linda Björk Ragnarsdóttir, Arna Hagalínsdóttir og Árni Davíðsson, sem ritaði fundargerð.

Dagskrá:

1. Umsóknir um starfsleyfi.

Sigurður Hólmar Jóhannesson f.h. Ozon ehf. sækir um starfsleyfi fyrir rekstri verslunar með fæðubótarefni í netsölu að Bugðuflyjóti 7, bil 1-2, í Mosfellsbæ. Heilbrigðiseftirlitið gaf út starfsleyfi fyrir fyrirtækið þann 3. júlí 2020 með gildistíma til 12 ára.
„Staðfest.“

2. Umsagnir um erindi sýslumanns.

Lagt fram erindi Sýslumannsins á höfuðborgarsvæðinu dagsett 9. júní 2020 þar sem óskað var umsagnar um breytingu á rekstrarleyfi fyrir Hlöllabátar ehf. kt. 420318-0300, þar sem sótt var um lengri opnunartíma fyrir Baríon Þverholti 1 í Mosfellsbæ. Jákvæð umsögn var send með bréfi þann 22. júní 2020.
„Staðfest.“

3. Leirvogstungumelar.

Bréf heilbrigðiseftirlits til Vöku dagsett 30. júní lagt fram en í því var tilkynnt um ákvörðun heilbrigðisnefndar um að hafna starfsleyfi og settar fram kröfur um tiltekt á Leirvogstungumelum.
Málið kynnt.

4. Asbest í Varmárskóla.

Lagt fram minnisblaðið Viðauki við skimunarskýrslu fyrir mögulegu asbesti í húsnæði Mosfellsbæjar 2019-2020 ásamt viðauka við skýrslu vegna asbest úttektar í byggingum Mosfellsbæjar. Heilbrigðiseftirlitið leggur til að viðauki verði gerður við útgefið tímabundið starfsleyfi Ístaks til að fjarlægja asbest í Varmárskóla. Hagsmunum nemenda og kennara verður best borgið með því að allt asbest verði fjarlægt úr Varmárskóla í einni aðgerð í sumar áður en skólahald hefst.
„Heilbrigðiseftirlitinu falið að gefa út viðauka við tímabundið starfsleyfi Ístaks til að fjarlægja asbestklæðningu á langveggjum á efri hæð eldri deildar.“

5. Starfsleyfi Brúarlands sem kennsluhúsnæði Varmárskóla.

Starfsleyfi Brúarlands rann út þann 18. maí s.l. og var sótt um endurnýjun starfsleyfis þann 1. júlí fyrir grunnskóla útibúi frá Varmárskóla. Heilbrigðisnefnd hefur borist þrjú erindi öll dagsett 15. júní, þar sem lýst er yfir áhyggjum af ástandi Brúarlands og að það henti ekki sem skólahúsnæði m.a. vegna rakaskemmda en einnig vegna umferðarhávaða og loftmengunar. Heilbrigðiseftirlit óskaði eftir athugasemdum rekstraraðila vegna erinda dagsett 15. júní. Minnisblað Mannvits dagsett 8. júlí 2020 um mat á loftgæðum og hávaða við Brúarland og minnisblað Eflu dagsett 19. febrúar 2020 um Brúarland barst. Lögð fram síðasta eftirlitskýrsla heilbrigðiseftirlits úr Brúarlandi.

HEILBRIGÐISEFTIRLIT KJÓSARSVÆÐIS

„Samþykkt að veita starfsleyfi til eins árs. Heilbrigðiseftirlit mun kynna sér verklokaskýrslu Eflu þegar hún liggur fyrir.“

6. Umsókn um starfsleyfi fyrir geymslu sleðahunda Egilsmóum 12.

Lagt fram bréf heilbrigðiseftirlits dagsett 23. júní þar sem umsækjendum eru kynntar athugasemdir nágranna og hljóðritanir heilbrigðiseftirlits. Niðurstaða heilbrigðiseftirlits er að ónæði sé af starfsemi og að kvartanir nágranna eigi við rök að styðjast. Óskað var sjónarmiða umsækjenda áður en ákvörðun er tekin í málinu. Lagt fram bréf umsækjenda og bréf lögmanns umsækjenda dagsett 2. júlí 2020. Ennfremur umsögn Matvælastofnunar og skipulagsfulltrúa Mosfellsbæjar. *„Starfsleyfi hafnað vegna ónæðis frá starfsemi.“*

7. Ársreikningur heilbrigðiseftirlits.

Ársreikningur 2019 lagður fram til samþykktar. *„Ársreikningar voru undirritaðir og samþykktir.“*

8. Heitavatnsmengun í Varmá.

Lagt fram minnisblað Veitna vegna heitavatnsmengunar í Varmá. Málið kynnt.

9. Úlfarsfell mengaður jarðvegur.

Lagt fram minnisblað Borgarvirkis ehf. vegna mengunarslyss við Úlfarsfell. Málið kynnt.

10. Ráðning sumarstarfsmanna.

Staðgengill framkvæmdastjóra leggur til að ráðnir verði tveir sumarstarfsmenn í sumar (eða haust) til að sinna reglubundnu eftirliti til að uppfylla eftirlitsáætlun. Annar yrði ráðin í 60% starf í tvo mánuði og hinn í 100% starf í 3 mánuði. Leigður yrði ódýr bílaleigubíll fyrir akstur þessara starfsmanna. Lagt er fram yfirlit yfir stöðu heilbrigðiseftirlits, launaútreikningur launadeildar, tilboð frá bílaleigu og áætlun um fjármögnun.

„Staðgengli framkvæmdastjóra falið að ráða starfsmenn samkvæmt fyrirliggjandi áætlun.“

11. Önnur mál.

Engin önnur mál.

Fundi slitið kl. 19:41